

Հաստատված է  
«Հայաստանի պետական տնտեսագիտական  
համալսարան» պետական ոչ առևտրային  
կազմակերպության խորհրդի 2021 թվականի  
մայիսի 27-ի N 2-Ձ որոշմամբ,  
խորհրդի նախագահ  
Վ. Խաչատրյան  
27 մայիսի 2021 թ.

## ԱՇԽԱՏԱԿԱՐԳ

### «ՀԱՅԱՍՏԱՆԻ ՊԵՏԱԿԱՆ ՏՆՏԵՍԱԳԻՏԱԿԱՆ ՀԱՄԱԼՍԱՐԱՆ» ՊԵՏԱԿԱՆ ՈՉ ԱՌԵՎՏՐԱՅԻՆ ԿԱԶՄԱԿԵՐՊՈՒԹՅԱՆ ԽՈՐՀՐԴԻ

#### I. ԸՆԴՀԱՆՈՒՐ ԴՐՈՒՅԹՆԵՐ

1. «Հայաստանի պետական տնտեսագիտական համալսարան» պետական ոչ առևտրային կազմակերպության (այսուհետ՝ համալսարան) կողմից կառավարման մարմինը խորհուրդն է, որը համալսարանի գործունեությունը նպատակամղում է գլխավոր խնդիրների կատարմանը:

2. Խորհրդի աշխատանքների սկզբունքները, կառուցվածքը, ձևավորման կարգը և աշխատակարգը սահմանվում են Հայաստանի Հանրապետության օրենսդրությամբ, համալսարանի կանոնադրությամբ և սույն աշխատակարգով:

#### II. ՀԱՄԱԼՍԱՐԱՆԻ ԽՈՐՀՐԴԻ ԻՐԱՎԱՍՈՒԹՅՈՒՆՆԵՐԸ

3. Խորհուրդը՝

1) քննարկում և հաստատում է համալսարանի բյուջեն,

2) ռեկտորի ներկայացմամբ՝ հաստատում է համալսարանի զարգացման ռազմավարական ծրագրերը.

3) լսում և գնահատում է համալսարանի տարեկան գործունեության վերաբերյալ ռեկտորի հաշվետվությունը.

4) ընտրում է համալսարանի ռեկտորին, մասնաճյուղերի տնօրեններին.

5) քննարկում և սահմանված կարգով հիմնադրին ներկայացնում է առաջարկություններ համալսարանի կանոնադրության, դրա մեջ փոփոխություններ ու լրացումներ կատարելու վերաբերյալ.

6) հաստատում է իր աշխատակարգը, ռեկտորի, մասնաճյուղերի տնօրենների ընտրությունների ընթացակարգերը.

7) հաստատում է համալսարանի կառուցվածքը:

### III. ՀԱՄԱԼՍԱՐԱՆԻ ԽՈՐՀՐԴԻ ԿԱԶՄԸ

4. Համալսարանի խորհրդի անդամների թիվը 20 է:

(4-րդ կետը փոփ., խմբ. 10.01.2022 N 3-2)

5. Խորհուրդը ձևավորվում է Հայաստանի Հանրապետության կառավարության սահմանած կարգով՝ համալսարանի պրոֆեսորադասախոսական կազմի, ուսանողության, հիմնադրի և պետական կառավարման լիազոր մարմնի (այսուհետ՝ լիազոր մարմին) ներկայացուցիչներից:

6. Համալսարանի պրոֆեսորադասախոսական կազմից խորհրդի անդամության թեկնածուներ են առաջադրում համալսարանի կառուցվածքային միավորները՝

1) համալսարանի կառուցվածքային միավորների կողմից խորհրդի անդամության թեկնածու կարող է առաջադրվել համալսարանի ցանկացած աշխատող.

2) համալսարանի կառուցվածքային միավորներից առաջադրված անձանց թեկնածություններն ընտրվում են համալսարանի գիտական խորհրդում և ներկայացվում լիազոր մարմին.

3) պրոֆեսորադասախոսական կազմից ընտրված խորհրդի անդամները կազմում են խորհրդի անդամների 25 տոկոսը:

7. Համալսարանի ուսանողության ներկայացուցիչներից խորհրդի անդամության թեկնածուներ են առաջադրում ֆակուլտետների ուսանողական խորհուրդները՝

1) ֆակուլտետների ուսանողական խորհուրդների կողմից խորհրդի անդամության թեկնածու կարող է առաջադրվել բարձր առաջադիմություն և հասարակական ակտիվ դիրքորոշում ունեցող ցանկացած սովորող (ուսանող կամ ասպիրանտ)։

2) համալսարանի ուսանողական խորհուրդը ընտրում է ֆակուլտետներից առաջադրված սովորողների թեկնածությունները և ներկայացնում լիազոր մարմին։

3) ուսանողության կողմից ընտրված խորհրդի անդամները կազմում են խորհրդի անդամների 25 տոկոսը:

8. Հիմնադրի անունից խորհրդի անդամներ է առաջադրում Հայաստանի Հանրապետության վարչապետը՝ պետական պաշտոն և պետական ծառայության պաշտոն զբաղեցնող անձանցից (խորհրդի կազմի 25 տոկոսը):

**(8-րդ կետը փոփ., խմբ. 10.01.2022 N 3-2)**

9. Լիազոր մարմնի կողմից խորհրդի անդամներ են առաջադրվում կրթության, գիտության, մշակույթի, սպորտի և տնտեսության տարբեր ոլորտների ներկայացուցիչներ (խորհրդի կազմի 25 տոկոսը):

**(9-րդ կետը փոփ., խմբ. 10.01.2022 N 3-2)**

10. Առաջադրված անձանց թեկնածությունների հիման վրա խորհրդի կազմը, լիազոր մարմնի ներկայացմամբ, հաստատում է Հայաստանի Հանրապետության վարչապետը:

11. Խորհուրդն իր կազմից, բացի ուսանողության ներկայացուցիչներից, ընտրում է նախագահ: Խորհրդի նախագահը չի կարող լինել համալսարանի հաստիքային աշխատող (դեկան, ամբիոնի վարիչ, դասախոս): Խորհրդի նախագահը համալսարանում պահպանում է ժամավճարի սկզբունքով դասախոսելու իրավունքը:

12. Խորհրդի քարտուղարը համալսարանի գիտական քարտուղարն է:

13. Խորհրդի կազմում թափուր տեղեր առաջանալու դեպքում, այն համալրվում է Հայաստանի Հանրապետության օրենսդրության պահանջներին համապատասխան:

#### **IV. ՀԱՄԱԼՍԱՐԱՆԻ ԽՈՐՀՐԴԻ ԱՆՂԱՄՆԵՐԻ ԻՐԱՎՈՒՆՔՆԵՐԸ ԵՎ ՊԱՐՏԱԿԱՆՈՒԹՅՈՒՆՆԵՐԸ**

14. Խորհրդի անդամներն իրավունք ունեն՝

1) մասնակցելու խորհրդի նիստերին ձայնի իրավունքով.

2) ներկայացնելու առաջարկություններ խորհրդի արտահերթ նիստեր իրավիրելու, խորհրդի իրավասության հարցերի և սույն աշխատակարգի փոփոխման վերաբերյալ:

15. Խորհրդի անդամները պարտավոր են՝

1) մասնակցելու խորհրդի հերթական և արտահերթ նիստերին.

2) կատարել խորհրդի և խորհրդի նախագահի հանձնարարությունները:

#### **V. ՀԱՄԱԼՍԱՐԱՆԻ ԽՈՐՀՐԴԻ ՆԻՍՏԵՐԻ ԸՆԹԱՑԱԿԱՐԳԸ**

16. Համալսարանի խորհրդի լիազորությունների ժամկետը 5 տարի է:

17. Խորհրդի նիստերը գումարվում են տարեկան առնվազն մեկ անգամ: Դրանք համարվում են իրավազոր՝ խորհրդի անդամների առնվազն 2/3-ի մասնակցության դեպքում: Խորհրդի նիստերը կարող են կազմակերպվել նաև հարցման կարգով և առցանց եղանակով, բացառությամբ փակ գաղտնի քվեարկություն պահանջող հարցերի:

18. Խորհրդի որոշումներն ընդունվում են խորհրդի անդամների ձայների պարզ մեծամասնությամբ՝ բաց քվեարկությամբ, եթե խորհուրդը դրա մասին այլ որոշում չի ընդունում:

19. Արտահերթ նիստերը հրավիրվում են հիմնադրի, լիազոր մարմնի, համալսարանի ռեկտորի, գիտական խորհրդի, խորհրդի նախագահի կամ խորհրդի անդամների առնվազն 1/3-ի առաջարկությամբ:

20. Խորհրդի արձանագրությունը՝ 2 օրինակով, կազմում է խորհրդի քարտուղարը: Արձանագրությունը ստորագրում են խորհրդի նախագահը և քարտուղարը:

## VI. ԵԶՐԱՓՈՒԿ ԴՐՈՒՅԹՆԵՐ

21. Սույն աշխատակարգի ընդունումը և դրա մեջ առաջարկվող փոփոխություններն ու լրացումները կատարվում են խորհրդի նիստի որոշմամբ:

22. Խորհրդի գործունեությունը, նրա իրավասությունների ժամկետները կարող են դադարեցվել նրա հետագա գոյությունը բացառող օրենսդրական փոփոխությունների կամ համալսարանի լուծարման և օրենքով սահմանված այլ դեպքերում:

*(աշխատակարգը հաստատվել է ԵՊՏԻ խորհրդի 27.01.2006 նիստում (արձ. N 2), խմբ. ՀՀ կառ. 08.06.2006 N 799-Ն որոշման հիման վրա, խմբ. ՀՊՏՀ խորհրդի 17.01.2013 նիստում (արձ. N 7) ՀՀ կառ. 15.11.2012 N 1436-Ն հիման վրա, լրացվել և նոր խմբագրությամբ հաստատվել 27.05.2021 N 2-2, փոփ., խմբ. 10.01.2022 N 3-2)*